



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**14 Jullu 2023**

**Estrutura Suku Samalete haksolok ho JSMP ninia prezensa hodi ajuda informa ba comunidade sira kona-ba andamentu kazu iha justisa formál**

Estrutura Suku no parte sira husi Aldeia Eraulu, Suku Samalete, Postu Administrativu Railaku, Munisípiu Ermera, kontente ho JSMP ninia prezensa liuhusi Programa Apoiu Seguransa Komunitáriu (PASK), tanba ho programa ne'e estrutura suku no parte sira bele hatene andamentu sira ninia kazu iha justisa formál liuhusi esplikasaun JSMP nian.

Atividade ida ne'e hanesan mós responsabilidade JSMP nian tuir akordu serbisu hamutuk entre JSMP ho Suku Samalete ne'ebé asina iha 10 Janeiro 2023. Tanba durante ne'e comunidade sira ne'ebé lori ona sira nia kazu ba prosesu justisa formál hasoru dezafiu la hetan informasaun kontinuasaun ba sira nia kazu.

“Depoisde rona comunidade sira nia preokupasaun hirak ne'e, JSMP halo kedas konfirmasaun iha polísia no Ministériu Públiku inklui ba iha Tribunál no informa filafali andamentu prosesu kazu sira ba estrutura suku no parte sira. JSMP kontente tebes tanba bele ajuda sira, alende informa kona-ba andamentu kazu, liuhusi JSMP nia prezensa mós bele hatan dúvida no preokupasaun parte sira nian ne'ebé hanoin katak sira nia kazu la la'o ona hanesan tanbasa prosesu kazu tenke lori tempu naruk iha ministériu públiku no tribunál no tanbasa desizaun la hatama arguidu ba prizaun,” dehan Sra. Ana Paula Marçal, Diretora Ezekutiva JSMP.

Bainhira JSMP hetan tiha informasaun husi Polísia Eskuadra Railaku no Ministériu Públiku iha Gleno, Ermera, JSMP halo kedan kontaktu ba Xefi Suku Samalete hodi informa kona-ba progresu no ikus Xefi Suku Samalete sujere ba JSMP atu bele koa'lia direta ho xefi aldeia sira inklui bele hasoru direta parte sira ne'ebé envolve iha prosesu ne'e. Nune'e JSMP halo kontaktu ba Xefi aldeia hamutuk tolu (3) iha Suku Samalete maka Aldeia Aiurlala, Aldeia Eraulu no Aldeia Leborema ne'ebé iha ikus Xefi Aldeia Aiurlala maka prontu uluk no agradese tebes ba JSMP bele fasilita ona informasaun ba nia comunidade sira tanba nia parte rekoñese katak durante ne'e nia comunidade sira

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77040735  
[www.jsmp.tl](http://www.jsmp.tl)  
[info@jsmp.minihub.org](mailto:info@jsmp.minihub.org)  
Facebook: [www.facebook.com/timorleste.jsmp](https://www.facebook.com/timorleste.jsmp)  
Twitter: @JSMPtl

preokupa no hein hela deit andamentu ba kazu hirak ne'e maibe nia rasik la bele ajuda tanba ladun hatene lala'ok atu konfirma prosesu sira ne'e.

Iha hasoru malu ne'e partisipa husi xefi adeia no komidade ne'ebé envolve iha kazu no JSMP informa katak iha Aldeia Aiurlala iha kazu hamutuk hitu (7) kompostu husi kazu ofensa ba integridade física simples rua (2), ofensa ba integridade física simples ho natureza violência doméstica ida (1), ameasa rua (2), crime suicídio ida (1) no danu ho inséidiu ida (1). Husi kazu 7 ne'e, kazu ida (3) ho tipu crime ofensa ba integridade física simples no ameasa mak hetan desizaun, kazu rua (2) ho tipu crime suicídio no ofensa ba integridade física simples ho natureza violência doméstica mak iha hela faze investigasaun iha ministériu públiku, no kazu rua (2) ho tipu crime ameasa no danu ho inséidiu mak iha hela prosesu julgamentu. Enkuantu kona-ba aldeia rua sira seluk, JSMP halo ona kontaktu ne'ebé maka tuir planu sei ba hasoru parte sira iha tempu badak.

Iha prosesu ne'e arguidu ba crime inséidiu agrade se tebes ba JSMP tanba nia deklarata katak bainhira arguidu ba hatan iha ministériu públiku iha Janeiro 2023, nia ladun komprende kontinuasaun prosesu ne'e tanba la hetan esplikaun husi parte relevante sira, tanbá ne'e arguidu kontinua hein ho la serteza ba prosesu ne'e.

Situasaun hanesan infrenta mós husi vítima ba crime ameasa ne'ebé antes ne'e nia hanoin katak nia iha deit prosesu ida ba crime ameasa ne'ebé akontese iha Janeiro 2023, maibe depoisde ho informasaun husi JSMP, vítima foin hatene katak nia mós sai hotu suspeitu ba crime danu ho inséidiu ne'ebé akontese iha Janeiro 2023. Nune'e JSMP ajuda esplika ba parte sira ne'e katak tanba sira nia prosesu iha hela ministériu públiku, sira presiza hein de'it notifikasaun hodi ba halo dilijénsia no depois prosesu ne'e foin lori ba tribunál bainhira ministériu públiku haree katak iha duni indísiu forte ba crime refere.

Husi informasaun ne'ebé JSMP hetan husi iha Eskuadra Polísia Railaku no Ministériu Públiku katak total kazu to'o iha fulan Juñu 2023, husi Suku Samalete hamutuk 16 ho estatutu kazu sira mak kazu balun hetan ona desizaun final no kazu balun sei iha prosesu nia laran.

Programa Apoiu Seguransa Komunitariu (PASK) nu'udar serbisu hamutuk entre JSMP ho The Asia Foundation (TAF) ne'ebé finansia husi Embaixada Nova Zelandia hodi halo peskiza kona-ba oinsá efeitu husi justisa komunitáriu ba rezolve disputa sira iha komidade.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: [ana@jsmp.tl](mailto:ana@jsmp.tl)

Telefone: (+670) 33238883 | 77040735

Website: <https://jsmp.tl>

[info@jsmp.tl](mailto:info@jsmp.tl)